

本還元之妙聞清靜經則頓悟性宗而空諸相聞心印經則自修命學而鍊內丹開救苦經則主此一點光明不沈地獄聞生天得道經則為之雙修福慧徑陟天堂逍遙妙有之庭遊宴鴻濛之域一真不昧萬劫長存始焉因經以指迷至此忘言而得意譬若乘舟度苦海到彼岸則舟無所施持炬照迷途歸正道則炬將安用是謂經功之極致亦為法會之大成法衆虔誠聞經讚詠

奉三閱經

閱經已後當願衆生起心回向常當信禮
閱經已後當願衆生心開悟解受持轉誦
閱經已後當願衆生普上法橋無有障礙

靈寶五經提綱

洞玄靈寶玉籙簡文三元威儀自然真經
天尊曰靈寶中元宮中舊有三部威儀二千四百條自經龍漢之後至赤明元年上聖撰校抄集要用使下教真人應得道者凡八十條而今行焉

中元玉籙簡文神仙品曰奉師威儀宜燒香
凡修仙道當思經師所在之方心拜三過願
師得仙道我身昇度

中元玉籙簡文神仙品曰奉師威儀思經師
禮拜畢次思籍師所在之方心拜三過願師
得飛仙為我開度七祖父母昇天堂我得
道真昇入無形

中元玉籙簡文神仙品曰奉師威儀思籍師
畢次思度師所在之方心拜三過願念師得
昇度上登高仙為我開度五苦八難名入仙
錄永成真入

中元玉籙簡文神仙品曰奉師威儀經師則
經之始故宜設禮三寶之宗籍師則師之師
故宜設禮生死錄籍所曰度師則受經之師
度我五道之難故應設禮為學不尊三師則

三寶不降三界不敬鬼魔害身

中元玉籙簡文神仙品曰奉經師威儀問訊
經師上稱弟子某甲惶恐言後惶恐再拜

中元玉籙簡文神仙品曰奉籍師威儀問訊
籍師上稱曰記弟子某甲稽首後稽首再拜

言

中元玉籙簡文神仙品曰奉度師威儀問訊
度師上稱具記弟子某甲言後再拜言

中元玉籙簡文神仙品曰師答弟子威儀當
稱名上謝後言敬謝

中元玉籙簡文神仙品曰奉師威儀與師言
皆當稱弟子某甲啓不得但稱弟子

中元玉籙簡文神仙品曰奉師威儀男官與
師言皆稱名不得稱姓弟子也

中元玉籙簡文神仙品曰奉師威儀女官與
師言皆稱名言不得但稱姓弟子也

中元玉籙簡文神仙品曰奉師威儀有所請
求規問法事當先禮經師籍師各一拜畢再
拜啓度師而自陳

中元玉籙簡文神仙品曰詣師威儀當宿昔

齋戒嚴裝法服端恭待旦載馳載欣

中元玉錄簡文神仙品曰詣師威儀當正已

趨行稽首俯仰安徐容序歡然對神

中元玉錄簡文神仙品曰詣師威儀每當重

掌累足警行敏手心存上真

中元玉錄簡文神仙品曰詣師威儀每當一

心恭脩禮敬敏手信禮注念分明

中元玉錄簡文神仙品曰詣師威儀當專心

正已意志玄虛恭肅禮拜動止安徐

中元玉錄簡文神仙品曰詣師威儀揖讓禮

拜崇尚無為惟樂玄虛喜慶交至

中元玉錄簡文神仙品曰詣師威儀當潔洗

手足衣服潔素體有香熏氣合神景

中元玉錄簡文神仙品曰詣師威儀施禮問

訊當入齋堂燒香願念禮於三寶

中元玉錄簡文神仙品曰詣師威儀當施法

服科次左右端詳聽思中外應承

中元玉錄簡文神仙品曰詣師威儀當振喜

交集正顏直視祇畏悚息如履薄冰

中元玉錄簡文神仙品曰詣師威儀當執手

平坐儼然無虧為眾所觀

中元玉錄簡文神仙品曰詣師威儀當修禮

既畢當思已身受生所犯念自舉扇

中元玉錄簡文神仙品曰詣師威儀念罪既

畢靜思清虛存念神氣不相遠離

中元玉錄簡文神仙品曰詣師威儀諸念既

畢當起掃灑內外奉宣功勤效於恭敬

中元玉錄簡文神仙品曰詣師威儀有所稽

顛當起施禮然後還坐陳啓所心

中元玉錄簡文神仙品曰詣師威儀當安徐

聲氣吐納柔和勿得高剛傷忤真氣

中元玉錄簡文神仙品曰詣師威儀當擇言

而道言以法音勿得輕忽妄及私語

中元玉錄簡文神仙品曰詣師威儀當勤行

直道勿得遊過務復二心

中元玉錄簡文神仙品曰詣師威儀當男女

各道勿得前却遲速相牽

中元玉錄簡文神仙品曰詣師威儀男女整

肅勿得低頭耳語淫視相嘗

中元玉錄簡文神仙品曰詣師威儀有所啓

索隨事以聞勿得避迴私自竊取

中元玉錄簡文神仙品曰詣師威儀當商禮

自隨勿得煩損師門求取無狀

中元玉錄簡文神仙品曰詣師威儀當修整

為意勿得養草穢慢內外

中元玉錄簡文神仙品曰詣師威儀當正已

求真勿得懷挾背向不專

中元玉錄簡文神仙品曰詣師威儀當清虛

心口以注正真勿得飲酒濁亂神氣

中元玉錄簡文神仙品曰詣師威儀當恭慎

正事勿得稱道傳教假因精業迷於愚短

中元玉錄簡文神仙品曰詣師威儀當整顏

慎言勿得調笑更相戲弄

中元玉錄簡文神仙品曰詣師威儀當端恭

承奉勿得側坐抵卧肘隱

中元玉錄簡文神仙品曰詣師威儀當直造

往及勿得攀牽務程遊颺

中元玉錄簡文神仙品曰詣師威儀師有所

問當斂板伏地稱名上對

中元玉錄簡文神仙品曰詣師威儀當持戒

自檢守死不移勿得雜念榮務塵濁

中元玉籙簡文神品曰詣師威儀當令同

氣形心齊平勿廣招引異類之人

中元玉籙簡文神品曰詣師威儀宿止卧

息當著衣服思真安定勿得解脫裸身露形

中元玉籙簡文神品曰詣師威儀卧息起

止當涉履徐步勿得狠戾奔走驚駭

中元玉籙簡文神品曰詣師威儀冠帶巾

幘每令整頓勿得露頭輕慢專貴

中元玉籙簡文神品曰詣師威儀當權心

欣喜如對大聖勿得瞋怒忿恚四輩

中元玉籙簡文神品曰詣師威儀當欣欣

吉慶勿得稱怨恚泣自悼

中元玉籙簡文神品曰詣師威儀當修禮

節揖讓進退勿得強弱相承無有尊敬

中元玉籙簡文神品曰詣師威儀當念施

忠孝仁慈篤義勿行嫉妬懷抱不道

中元玉籙簡文神品曰詣師威儀當藏惡

宣善每引四輩勿得毀謗抑遏頑短

中元玉籙簡文神品曰詣師威儀當恩開

化廣度天人勿得閉匿遏塞頑人

中元玉籙簡文神品曰詣師威儀當開悟

愚短今入法門勿得蔽道隱真自取功名

中元玉籙簡文神品曰詣師威儀當念善

天同見法門勿得異念存想邪運

中元玉籙簡文神品曰詣師威儀當念師

家普得飛行身侍從上登大聖

中元玉籙簡文神品曰詣師威儀當請問

科戒勿得闕闕發泄經書

中元玉籙簡文神品曰詣師威儀當注一

事勿得傲戲弄師服脫開看箱篋

中元玉籙簡文神品曰詣師威儀當齋紙

自隨勿得輒取師家筆墨以供已用

中元玉籙簡文神品曰詣師威儀當請問

經戒專承秘重勿妄宣傳要取名德

中元玉籙簡文神品曰詣師威儀當與同

學共相教度勿得相妬鬪及爭竟稱己

中元玉籙簡文神品曰詣師威儀見人謬

誤有所不違當即開示令知罪失勿得哂笑

觀其成敗

中元玉籙簡文神品曰詣師威儀師行不

在當禮拜齋堂如見尊長勿得遲去

中元玉籙簡文神品曰詣師威儀當整肅

內外勿得書畫齋堂壁柱

中元玉籙簡文神品曰詣師威儀當其身

躡履勿得搏持刀杖論及武事

中元玉籙簡文神品曰詣師威儀當謙下

自居恭儉遜讓勿自造意稱己嫉人

中元玉籙簡文神品曰奉師威儀當朝

膜禮問動靜承奉溫顏如敬君父

中元玉籙簡文神品曰奉師威儀離師左

右常當朝膜遙心禮拜日存心恭如對尊長

中元玉籙簡文神品曰奉師威儀師有吉

慶弟子皆當一心欣欣歡喜交集道成功就

福履無極

中元玉籙簡文神品曰奉師威儀師有哀

憂弟子皆當心抱憂戚出入無懼

中元玉籙簡文神品曰奉師威儀師有疾

苦弟子皆當侍近左右親視氣息有如父母

中元玉籙簡文神品曰奉師威儀師有災

厄弟子皆當率諸同學建齋祈請以立功德
中元玉籙簡文神品曰為師威儀當願開
化四方歸宗法教廣遠普天成就德流自下
門徒興隆

中元玉籙簡文神品曰為師威儀當願弟
子受教聰明學業智慧意志日成

中元玉籙簡文神品曰為師威儀弟子歸
情當加誠勵願得成就早出愛獄上登大聖
中元玉籙簡文神品曰為師威儀弟子歸
心情丹意盡師當齊恩內外相應無所容隱

中元玉籙簡文神品曰為師威儀弟子不
及當加訓厲嚴整法教有過兒子

中元玉籙簡文神品曰為師威儀弟子有
慶師當欣願道成德隆福流無極

中元玉籙簡文神品曰為師威儀弟子有
憂師當慰接晨夕係心有若一已

中元玉籙簡文神品曰為師威儀弟子厄
疾師當建齋晨夕祈請以立功德拔度災患
中元玉籙簡文神品曰為師威儀教宣法
化當令弟子四輩平等齊同心腹無懷感意

天尊告太上大道君曰洞玄靈寶中元宮中
玉籙簡文神品目舊有上元中元下元三
部威儀部有八百條三部合二千四百條皆
金書玉字仙都左公總錄於中元宮中自經
龍漢之後淪於泯泯其文改易多不全舊至

赤明元年前上聖撰校抄集要用部有八十條
三部合二百四十條秘於三元宮中以玉華
之女金晨玉童各二百四十人燒香侍經檢
錄漏慢依玄科四萬劫一傳神真下教運度
促急道須真人四百年下世教化四十年中
聽今三傳年限未充輕宣靈文七祖囚於地
獄身負風刀萬劫無原

天尊言自然威儀諸天之俯仰真人之儀軌
得盼之者皆德劫因緣先身宿有金簡玉名
神品中應得仙度故見其文以成其真修
之者則馳騁龍駕白日登晨奉之者七祖即
得去離地獄上昇天堂道遠中元玉仙宮中
門戶清肅萬災不干三界敬護萬神朝門其
道尊貴宜秘之焉太上稽首作禮奉承要言
洞玄靈寶玉籙簡文三元威儀自然真經

洞玄靈寶鐘磬威儀經
爾時智德真人與五百真人等眾同詣太上
稽首請問集眾威儀

太上曰眾有二種一者聖眾二者凡眾若說
法齋戒禮拜下謝救度生死一切福會應當
來集皆聽擊鐘皆

元始天尊於色界天中教化說法時至不齊
眾有前後放十種相光從眉間出徹照諸天
五億世界無量國土普使聞知示大神力演
真一妙道合五和之精成元靈寶鐘各隨方

域同發靈音聲遍天地響若琳琅皆作洞章
晝夜震動應十二時一切眾生聞悉歡喜百
惱皆除時不信者信未悟者悟生諸善慧與
正念心自是之後鐘聲制度普遍十方汝今
所請當欲開悟諸眾生智德稽首弟子後生

末學雖聞鐘磬未解威儀不審諸天所有同
於下界亦有等差

太上告曰三清上境三界十方大小名目亦
有不同今粗說之汝其聽焉
太上告曰大羅天中有九明華鐘七曜神鐘